

Schreiben von Bürgermeister und Rat von Memmingen an Bürgermeister und Rat von Chur betreffend die Bitte, sich für die Freilassung ihres von Wilhelm (von) Richenstein zur Erpressung einer Lösegeldforderung von 80 Gulden auf der Strasse zwischen Feldkirch und Vaduz überfallenen Bürgers Hans Wernher und für die Rückgabe seines Pferdes und des abgenommenen Geldes einzusetzen.

Or. (A), StadtA Chur, RA. 1466.010. – Pap. 31,5/22,6 cm. – Reste des Verschlussiegels. – Anschrift: Den ersamen vnd wysen burgermaister vnd rät der statt zů Chur, vnsern besondern gůten lieben frůnden.

Druck: Poeschel, Raubüberfall S. 68.

Literatur: Poeschel, Raubüberfall S. 64 ff.

l¹ Vnser frůntlich willig dienst zuvor, ersamen vnd wysen besondern gůten lieben frůnd. Vns || l² ist fůrkommen, wie das Wilhelm Rychenstain¹ nůwlich vnsern burger Hansen Wernher || l³ vff der strass zwischen Feldkirch² vnd Fadutz³ niedergeworffen, jmm ain pfãrd vnd etlich || l⁴ gelt genomen vnd jn genotdrengt habe, sich jn ainer benannten zyt jn vangknůss zestellen l⁵ oder achtzig Rinisch guldin zegeben. Wan wir vns nů versehen, das vch wol wissen- l⁶ lich sin můg, wie gebůrlich oder vngebůrlich die tát an jr selbs sye, bitten wir úwer l⁷ gůte frůntschafft mit allem flyss vnd êrnst, sůlch vrsachan, so dãrjnn erfunden l⁸ werdent, anzesêhen, nãch úwerm vermůgen an enden, dã das erschiess, dãrob l⁹ zesin vnd zefurdren, dãmit der vorgenant vnser burger sins vorgemeldten genomenn l¹⁰ pfãrds vnd gêlts wider hãblich gemacht, ouch der berůrten vengknůss vnd sach halb gantz l¹¹ ledig gezelt wêrd, ǒn verziehen vnd ǒn engaltnůss, vnd vch vmb der gerechtikait l¹² vnd vnsern willen als frůntlich vnd gůtwillig hierjnn zu bewysen, als wir vch getrůwen l¹³ vnd als jr den úwern jn sůlchem durch vnd by vns ze tůn vnd zůbeschêhen begerten. l¹⁴ Wã wir das jn derglych vnd andern sachen vmb úwer gůte frůntschafft verdienen l¹⁵ kůnnen, des wůllen wir ǒn allen zwyfel allzit willig sin. Úwer frůntlich geschriben l¹⁶ antwůrt by dem botten. Geben vff frytag vor sant Margreten tag anno etc. LXVI^{to}.

l¹⁷ Burgermaister vnd l¹⁸ rate zů Memmingen⁴.

¹ Wilhelm IV. v. Richenstein, 1466. – ² Feldkirch, Vorarlberg (A). – ³ Vaduz. – ⁴ Memmingen, bayer. Schwaben (D).